

Na osnovu člana 58.,59.,60.,61.,62.,63.,64.,65.,66. Zakona o poljoprivrednom zemljištu („Službene novine Federacije Bosne i Hercegovine“, broj: 52/09) i Pravilnika o uslovima i načinu korištenja sredstava ostavrenih od zamjene, zakupa i koncesije poljoprivrednog zemljišta u vlasništvu države („Službene novine Federacije Bosne i Hercegovine“, broj: 78/09) te Programa korištenja pašnjaka za 2011. godinu na području USK-a, Ministarstvo poljoprivrede, vodoprivrede i šumarstva Unsko-sanskog kantona objavljuje

JAVNI POZIV
za iskaz interesa za korištenje pašnjaka u državnom vlasništvu na području
Unsko-sanskog kantona

PREDMET JAVNOG POZIVA

1. Pozivaju se nosioci poljoprivrednih gazdinstava zainteresiranih za korištenje pašnjaka u državnom vlasništvu na području Unsko-sanskog kantona u 2011. godini da apliciraju na Javni poziv za zakup pašnjaka za ispašu ovaca, koza, goveda, konja i pčela.
2. Početna cijena za zakup pašnjaka iznosi 80 KM/ha.

PRAVO UČEŠĆA

Pravo učešća na Javnom pozivu imaju sva pravna i fizička lica, koja u registrirana u općinskim službama u Registar poljoprivrednih gazdinstava i čije je stalno prebivalište na području Unsko-sanskog kantona.

KRITERIJI ZA DODJELU PAŠNJAKA

Pravo prvenstva ispaše stoke na pašnjacima imaju pod jednakim uvjetima fizička lica koja su ranije koristila pašnjak i lica koja imaju prebivalište u brdsko-planinskim područjima Unsko-sanskog kantona, a bave se poljoprivrednom djelatnošću.

Opći kriteriji

Uz prijavu na Javni poziv potrebno je priložiti:

- ❖ Dokaz o registraciji poljoprivrednog gazdinstva;
- ❖ Izvadak iz zemljišnih knjiga (zemljišnoknjižni izvadak, a za područje koje nemaju zemljišno knjiženje podataka priložiti ovjeren posjedovni list) za k.č. kao dokaz da se radi o državnom zemljištu i zapisnik od općinskih službi za poljoprivredu i katastar da su parcele identifikovane na terenu u prisustvu potencijalnog korisnika pašnjaka i opis stanja parcela;
- ❖ Minimalna pašnjačka površina 0,6 ha po uslovnom grlu (uslovno grlo 500kg žive vage).

Posebni kriteriji

Pored gore navedenih općih kriterija na osnovu posebnih kriterija Komisija će izvršiti bodovanje i rangiranje potencijalnih korisnika pašnjaka kako slijedi:

1. Iskustvo u bavljenju stočarskom proizvodnjom (u godinama) – ovjerena izjava, za svaku godinu po 5 (pet) bodova od 1 do 5 godina, maksimalan broj bodova 25.
2. Veličina stada za svakih 100 grla 2 (dva) boda najniži razred 50 – 100 grla pa do razreda od 901-1000 grla sa 20 bodova i preko 1000 grla nosi maksimalan broj bodova 25.
3. Mjesto prebivališta u odnosu na lokaciju pašnjaka - domicilni poljoprivredni proizvođač boduje se sa 10 bodova.
4. Korisnik koji u predhodnom periodu koristio pašnjak (dokaz ugovor) boduje se sa 5 bodova.
5. Vlastito transportno sredstvo – kamion boduje se sa 5 bodova.
6. Raspolaganje vlastitom mehanizacijom (traktor, balirka, kosačica) nosi 5 bodova.
7. Dokaz da je stado obilježeno i vakcinisano 10 bodova.
8. Izjava imaoca stada o ažuriranju brojnog stanja ovjerenog od strane Agromediteranskog zavoda Mostar nosi 5 bodova.
9. Ponuda veća od minimalne naknade (80 KM/ha) za svaku 10% veću ponudu iznos bodova je 1, a maksimalan broj bodova je 10.

Komisija Ministarstva USK-a će na osnovu broja bodova napraviti rang listu i sa onim poljoprivrednim proizvođačem koji ima najveći broj bodova Ministar Ministarstva će potpisati ugovor o korištenju pašnjaka za 2011. godinu na određenom k.č. sa pravom produžetka za jednu narednu godinu.


Javni poziv ostaje otvoren 30 dana od dana objavljivanja. Zahtjeve sa kompletnom dokumentacijom poslati na adresu Ministarstvo, poljoprivrede, vodoprivrede i šumarstva USK-a, ulica Alije Đerzeleza 6 77 000 Bihać, sa naznakom Prijava na Javni poziv (zakup pašnjaka) – ne otvaraj.

Nepotpune i neblagovremene prijave neće se razmatrati. Kontakt osoba je Rasima Bobić, stručni savjetnik, tel. 037/223-267

MINISTAR

[Signature]

Mr. sc. Emdžad Galijašević



02-24-1570 -
10.02.2011.